

OMUKUETU

No. 10

OKTOBER

1953



OJE TE TU GALIKANENE Rom. 8:4.

Tala pombanda! Jesus oku nomuenjo no te ku galikanene. Oje ota galikana shili. Oje te ku diladilile shili. Oje ota tumbula edina ljoje koshipala sha Tate. Ongoje u na megulu Omupopili ngoka ite ku eca nando ondjila joje ji kale ja cina-na ngini.

Onke ano jeluca omeho goje ngu tale Jesus, oje tuu auike. Kuje akuke taku zi ekuaco ljoje.

Oje okua li a makelua ongatse. Oje okua li a makele uo omaluhupo agehe gomujuni. Oje oku tu shi uo, nkene otse nangoje ontsi nomutoko guouala. Oje oku shi shi uunkundi uetu, uutalala uo muenjo detu nuukukutu nauhe tuu.

Ihe natango oje oku tu hole. Naankundi naakueji ja tja ngaka oje okue ja uvanekete e ja kuace sigo otaa ka cika megulu. Oje a fa te tu kondeke nomagalikano ge.

Oonkondo degalikaneno odo oonkumica. Osho otashi monika moBibeli, no hatu shi mono uo kashona no mukukala kuetu jene. Na ngele egalikaneno ljomuntu li li ngaka, nena egalikaneno ljo mukulili, oje sho ta galikanene omulunde omukueji olja tja ngini andola!

Tu holameni momagalikaneno ge. Tu idimbuluceni naua kokutja omagalikaneno ge ogo tage tu kundukida ga fepopilongulu, ogo tuu oonkondo mukukala kuetu ecimbo kehe.

Jaije nkene ihatu lueda okudimbua otu nO mukulili!

Otue shi tseja tuu. Ohatu shi lesa, nohatu shi kundacana Ihe mukukala kuetu ihatu shi tsakanica kokutja Jesus oje Omukulili shili.

Osho she mu etele muujuni a kale te tu kulile, osho she mu fala meso a kale te tu kulile.

Tse tu hole aluhe okukambadala sha tu ikulile tse jene. Omuntu iti idimbulula nokuli, nkene ta jelekele okuikulila. Ihe opo mpoka ajihe taji ji pombambo.

Igandja ngashi u li. Igandjela kOmukulili no kOmuhupici no kOmukuaci guoje.

Oje otu ukica ajihe. Ajihe oje ote ji gatubite kuuanaua. No pecimbo tuu ndika oje oku li po te ku galikanene. Noje ngele oku li natse, olje ta vulu oku tu cikamena? Oje nge ta taamba ajihe joje, olje ta vulu ue okulimbililua, ite ji galulile kuuanaua andola.

Igandjulula ano kuje, igandja ngashi u li, oshoka oje te ku galikanene, no pokacimbo tuu haka oku li po ta galikana.

Elundululo

Ijomohapu da Urho Muroma
omusitagongalo omusuomi.

OLJE NGO TANDI MU TUMU?

Etumbulo ndika onde li uvu nale manga nda li moskola jaakadona, omc nde li lesa momuprofeti Jesaja. Pehulilo ljoskola epulo ndika olja diginine momuenjo guandje, no ndu uvite, otali pumbua ejamukulo. Onda dimbulukua mbala, omukuluntu guoseminari gumue okua ti:

Ngele ua hulica mokagumbo, otandi ku tege u tameke kOngandjera, ihe ngame inandi hala. Oshinima shika okue shi lombuele ndje olutijaali, ihe inandi zimina. Komeho onda kala noku shi diladila ihe inandi mona ue ompito.

Mokukala kegumbo onda uvu momuenjo guandje eui „Olje ngo tandi mu tumu?“ Onda uvu, kOnandjokue otaku pumbua aajakuli jaavu. Onda hala aniuu okuvulika keicano ndika ljeiakulo ljaavu. Onda ji ihe kOnandjokue. Onda longua omajakulo gi ili no gi ili, ihe inandi hulica ue oskola. Onda ningi uo omuvu, no ndi iuvite Omuaa ina zimina ue ejakulo ljangje laavu, oshoka onda galikana shili ndi peue oonkondo ndi shune kOnandjokue. Onda uete aniuu, ngele ndi noonkondo, opo te vulu okulonga.

Onda peua natango oshilonga ndi longe aanona, ihe onda jamukula natango itandi vulu. Onda dimbulukua oohapu dika: „Esilohenda ljangje olje ku guana, oshoka oonkondo dandje otadi guanene pombanda omuunkundi“ 2. Kor. 12:9. Nani Omuaa Jesus ota vulu okulongelua uo kaankundi, oshoka oje te ja pe oonkondo. Osho uo onda zimine ndi longe aanona, nando inandi kola. Omuaa Jesus okua pe ndje oonkondo. Nando tandi kala muuehame, kaku na sha shi imbi ndi holoke pecimbo. Omuehami omukuetu, ua dimbulula tuu kutja, oua peua u longe sha, nando ou li mombete, nge to lala nenge ua kuutumba. Ngele ino peua iilonga ja sha, iilonga mbjoka taji pumbua oje egalikano. Ito vulu oku-nda, ihe galikanena oshilonga, galikanena aapagani, galikanena aashuni, galikanena aatumua je li mokati ketu. Ihe dimbulukua uo nangoje u ninge omutumua. Omuaa ota pula: Olje ngo tandi mu tumu? Ngame onga hala ndi ninge guoje nomuehame. Nongele tandi taagulukua eso ndi je ndu ukilila kungoje, no ngele ondi li po natango koonkondo doje ndi longe oshilonga to shi pe ndje. Otandi vulu ihe okujamukula: „Omuaa ongame ngu, tuma ndje.“ Eimbilo 238.

A. A

OMULONGI ONGOMUJAKULI GUEGONGALO.

Sho nda piti moseminari onda ji megongalo ljokOnajena oku nda tuminua, ndele komukunda nkoka nda tumua okua li oluhepo. Uunona kaa shi ouindji unene oshimpuju shandje osha kala shokuhija uunona manga oshilonga inaashi tameka. Onde ende kehe egumbo ljomomikunda doka di li uushiinda noskola ndjoka nda longo. Omuaa omuene guoshilonga oje okua jambeke unene ehijo ndjoka. Otua mono uunona ouindji u vule uotango. Oshimpuju shandje onde shi tula muunona. Manga tandi longo oje taa hija aakuauo, oshoka ngame kandi na manga ecimbo ljokuenda nomagumbo. Uunona ua huama okuhija oojakuauo. No nda kala ndi noshimpuju shoogulu. Ngele da pumbua okukolonga nda huameke oojakueta oku ka longo. Ngele aakuluntu inaje ja kiilonga tua longo nuunona.

Sho nda zi kegongalo ljokOnajena, nda ji kegongalo ljetu lja Nakajale, onda kala mukukokola epja, oshoka kaku na ompja. Ano oshimpuju shoka nda li nasho osha ningi oshihupi. Oshoka ndi nuupjakadi ouindji inandi vula okuendaenda naanaa ngashika kIihongo. Ihe nando nda kala ndr nuupjakadi, onda jelekele okulongica uunona, naamboka tandi ja mono. Ojendji ja hija ja suupenda nando mu na jamue aanje okuhija nokuicana tojakua. Ihe momukuinda nguka guOkalongo manga gua li kegongalo ljoNakajale nda kala ano mugo, sho gu li kokule unene negongalo lja Nakajale, tua ningi iigongi jaagundjuka no jaakuluntu tua li tu li naua. Sho tua gongala pamue Omuaa nokue tu paluca omoohapu de. Nokua li hatu ningi iigongi jaakuluntu. Ano sho tua ningi ngeji moshivike kehe lumue mongundu otua uvacana metitano kehe ljoshivike tu ninge egalikano nokukala koshipala shOmuaa. Nando ondi nuupjakadi

(Etsikilo kepanja eti.4)

O K A A N D J E T U

OSHITUCI SHOSEMINARI NOSHIGONGI SHAALONGI
MONIIPA ETI 23-24 AUGUSTUS '53.

Mu Augustus Oseminari jok'Oniipa ja guanica omimvo 40 okuza kesiku ndjoka ja li ja dikua. Ano ja li ja dikua meti 23 lja Augustus 1913.

Aalongi ojendji ja piti moshiputudilo shoka, ja gongalele koshituci.

Etameko lja ningua kechapulo ljombila jomusamane G. Asikainen k'Oniiteua. Okuza ko, aalngi mboka ja li je ja koshituci ja gongala mongerki; osho uo aajenda naakuanegongalo jok'Oniipa ja gongala ko ojendji. Ongerki ja li ju uda noonkondo. Ojendji ja kala pomakende.

Elongelokalunga lja ningua kaasita aauambo je li jahamano Leonard Auala, Juuso Shikongo, Simson Shituaa, Jason Amakutua na Josua Hanjango.

Opo tua pakelua po sha kaauvici: N. Kapofi, ngoka a lesa Joh. 12:12-25. Okue tu kumagida uo kutja; Kalunga ota vulu uo oku tu tilahi ngele oomuenjo di li kokule naje.

Sakeus Iihuhua (gumue guomaasita jotango) a lesa Joh. 2:23 nokua popi nkene Kalunga ta gandja oonkondo ku mboka je mu itaale.

Omusamane W. Kivinen a popi nkene eui ljOmuaa lju uvicua nale pecimbo lja Kurvinen na Frans Hannula. Osho uo mu seminari mua fa mui icanua lutatu:- Eicano ljotango lja li pomacimbo ga E. Liljeblad, etijaali lja li pecimbo lja Shimuele, neicano etitatu oljo ljopomacimbo ga Amutse.

Ongerki sho ja piti mo, opo ihe oshituci sha Seminari sha shuna mo motundi ontitatu jokomatango. Ekota ljoshipopiaa ashihe olja li: „Ileni, tu konekeni esilohenda lja Kalunga shoka lja longo mutse.

Ajehe mboka je eta po sha ja li 12. Kehe gumue a hokolola sha, nkene esilohenda lja Kalunga lja longo mutse.

L. Lindstrom a hokolola nkene ilonga ja Kalunga taji tu kumica: Etameko lja li ngashi onsheno josinapi. Aalongua jotango ja li jahamano ajeke; ihe ajehe mboka ja piti mu Seminari oje cike 417.

Nando pokati pue ja elunduluko olindji, alihe ndika lje etua kesilohenda lja Kalunga. Osho uo seminari je eta uanaua ouindji mevi ljaauambo, katu shi oku u tumbula.

Motundi onti 7.30 kua shuaiua mohungi, na moka uo aapopici je li jane je tu popica noohapu da Kalunga. Ekota ljoshipopiaa ashihe shohungi lja li Jesus Kristus auike, onguka omualelua komushigakano. Uuanaua ua li mo shili.

Momandaha, eti 24 lja Augustus kua tamekua noandaha jongula ja ningua komusitagongalo Paulus Shijagaja a lesa Joh. 21:15-17. A popi nkene Kalunga ta pula kehe gumue shoka a li e shi peua.

Opo otundi joBibeli ja ningua komuhongi E. Hynonen a lesa Ef. 4:11-16. Okua popi kutja; aluhe omuntu ha diladila tango, manga ina tameka okulonga sha; ihe unene tuu Kalunga 2 Kor. 2:1, 20 Ef. 2:10 2 Tes. 2:10. A popi uo kutja, oshijimati shoshilonga sha Jesus kashi shi edimopo ljoondjo alike, ihe oljo oshiguana shokulongela Kalunga. Koshipala sha Kalunga ku noongundu ndatu: 1) Aajuda 2) Egongalo 3) Aapagani. Onke tu na okudimbulukua kutja eicano ljomuntu oljo ejapuki Joh. 15:5.

Mokushuna mo pua kundacana nkene omulongi e noku-



Ongundu jimue jaaseminari

kuaca oshiguana she, negongalo ljaandjauo nokuikuaca je muene. Konima joonkundacana iigongi ja li ja topoka, shaalongi aakadona shi ikalele osho uo shaalongi aalumentu shi ikalele. Omo moka kehe gumue a li i indile momuenjo gue, ando Kalunga e mu shitile omuenjo gua jela.

Nomigongi mbika, esilohenda lja Kalunga lja monika.

Otundi onti 7.30 kua ningua isheue ohungi jelalekacano, moka ekota ljoshipopiaa ashihe lja li: Diginina sigo okusa, ongama notandi ku pe oshishani shomuenjo.

Mohungi moka, aapopi jatano ja li ja pakapo shoka ja peua kombepo jOmuaa.

Esilohenda lja Kalunga ngashi lja li lja monika nolja longo nale, osho uo tali longo nongashingeji.

Eeno Omuaa okue tu kuaca sigo ompaka, onke tua guana tu mu hambelele.

Omunashigongi.
Hans D. S. J. Namuhuja.

EPANDULO!

Egongalo ljetu tali pandula aamati jomehatakano kOranjemund sho ju umbile ongalo jOkagumbo komOniimuandi 13/1 1/2. Ijaloo tangi, amuhe mua tula mo.

Kalunga kee shi omugojokici e mu dimbue andola.

Hebr. 6:10.

Jason Amakutua

AATUMUA AAKULU NAAPE JA HOLOKA.

Momuedi Augustus mue ja aatumua aape mOuambo muka Ojo mbaka; Omusamane, omutokoli guohapu Pertti Airikkala nefolo lje Eeva, nokamati kauo Lauri. Otaa kala manga kOlukonda ji ilonge oshindonga.

Feilaini omupangi Sirkka Halme a langekua manga mOshigambo.

Pamue na mboka mue ja isheue omusamane Otto Makkonen, ngashingeji a ningi omusita, nefolo lje Lempi. Oja ka longa kOkavango ku Kuring - Kuru.

Pehulilo lja Augustus pue ja isheue Feilaini Savy Vilkuuna a tulua miilonga je jonaale jokujakula mOstora jOmambo no kombinga joshinjanjangido uo.

Omatsejicilo nomahokololo agehe ge nokuja mOmukuetu naga tuminue kOmukuetu kOniipa ha kOnajena ue komusamane Manja.

Omulongi"nguka a dimbua okampunda ke kiimaliua mOniipa ne tu tsejicile edina lje nokampunda nkene ka tja no mu niimaliua ji cike peni, tse tu mu shunicile ihe okampunda ke.



A A S I.

(Ompaka tapu tulua omadina gaasi ajehe aakriste aauambo shaa aasita jomagongalo ja tumine "Omukuetu" omadina gauo nesiku ljeso)

Obadja Iifo, Oshigambo, a si 25/8. Ester Abraham, Oshigambo, a si 26/8. Alfred Jason, Elim a si, 4. 9. 53.

Oshitaji

Johannes ja Shipombo, a si 17. 9. 53. Simon ja Gotlieb, a si 17. 9. 53. Johannes ja Petrus, a si 23. 9. 53.

O U N J U N I T A U H A P U L A S H I K E ?

OMUPANGELI UOKOMBANDA uomu Windhoek ta zi po.

Omupangeli uokombanda, oadministrator omutohtora van Rhijn ta zi mo mu Windhoek ndele ta ji ku Union ku Pretoria. Oje kua lengua ta ningi omuministeri kokutja omupangeli umue uomepangelo la Union ashishe Onena itashi shiivika natango oljelje te mu shikula koshipundi shepangelo shomu Windhoek. Omutohtora van Rhijn okua li omupangeli muua a halika kovanu ndele e hoolike nokuli kuvo, Onge hano hatu mu lekele nondjuulufi ihapu.

OVANU HAVA TUKA.

Oshinima eshi sha kumuifa ovanu neengono momido dinja da pita. Ndele ne paime ovanu va ika ngaha nokuli. Eedila da kula ohadi lambele luhapu nokuli kOndangua. Pefimbo eli nokuli eendjovo edi eshi tadi shangua odila jimue taji tuka keulu taji uukilile kOndangua.

Opaipe „Omukuetu“ te mu hepaulile odila ja kula ja tja ngaha numbi ja tungua pomfimbo aa. Eedila odo da kula hadi tuala ovanu kuEuropa. Tadi di kuJohannesburg ndele tava fiki kuAmsterdam, Meendjila odo tamu uanene mo avanu 50 ndele 24 muava tava dulu okunangala mo jo. Omu neembete dokunangala 24. Modila keshe mu neemotori 4. Momotori keshe mu neengono di fike peengono doukambe ua koja omajuvi atatu. Hano eengono dodila keshe di fike peengono doukambe omajuvi omulongo nomajuvi atatu. Odila ja tja ngaha taji pumbua eeminate 30 adike okudja kOndangua nokufika kOshaanda. Hano motundi jimue ajike taji dulu okuja kOshaanda nokualuka kOndangua. Oji nonapo kaji fi kujelekua nande.

OMISHI DA KALUNGA.

tadi tu kadi neulumo. Osho tu nokutja nokudiladila eshi hatu liamene ounjuni aushe. Ovanu hava pulukuta akushe ohava shilafana ohava tanguna ndele ve hoolo okutaataa Kalunga moshipangalapundi shaje. Fje ngeno Kalunga ngeno ne ovanu va tja ngaha tue va hanauna naale nokuli. Ndele ne Kalunga oje ta tala ovanu omalai noneni kaji fi kujelekua. Ovapuki te va alula nohoole novasheki te va kopaula va penduke po. Ndelene ke fi vaali oshileda. Omishi da Kalunga tadi londola tuu. Efimbo laje tali hulu jo. Efimbongenda tali pitililile po tuu omunu efiku limue. Onena omunu ta nikoungone. Onena ounjuni tau hangika kepangulo la tua. Onguo idju ajike taji uudika ndele ne kape na vaali ta njamukula. Oufiku uounjuni ua fikana. Ovanamadinā novaneengono hava kuena ngashi omuku ja lika kombishi. Ndele omishi da Kalunga tadi tu kadi neulumo kadi nongenda.

OMUKUETU 1954.

Ongashingeji Omukuetu ta diginine naua okuholoka kue pecimbo ndjono ngashi lja uucua. Ano mesiku etitano ljoshivike oshitijaali shomuedi kehe. Omesiku ndjono ta cikama ta zi kOniipa opo a adike mosondaha ndjoka taji landula kegongalo kehe.

Omukuetu tashi njanjangidua pashindonga, pashikuanjama no kokaminga uo luukuangali n. sh. t. ngashi aanjoli ja shanga oohapu dauo. Eendada dopashikuanjama m na n ke noka didiliko tadi landua jo shaa da holoka. Fimbo inadi fika ohatu njanjangida m na n kake nedidiliko. Ndele hatu di teeleele tuu di fike diva.

Omufita keshe ueongalo te tu tumine omadina ovafi ave-she nefiku lefjo ndele hatu tula omadina aa mOmukuetu ovakuao aveshe fijo kOushimba va siive efjo lovakuao. Osho hatu teeleele jo ovahona ve tu tumine omadina oava va fila kOushimba opo efjo lavo la shiivike diva kovakuao vamu

Momukunda keshe tana kala omushingifi uOmukuetu ou ta jakula oshifo keshe shi ha kanene mondjila. Oifo ajishe jomomukunda taji fiki kuje mokapakete ka shangua nedina lomujakuli. Endeeleni mu ka hovele nokuli okulishangifa opo a shiive okutumina diva omualu uovataambi. Osho ngaa hatu hovele pehovele lomudo ou tau ja. Omukuetu ta futua hano oifilinga oivaali (2/-) omudo aushe 1954 kOuvambo noifilinga oivali na sispemifa (2/6) kOushimba.

Ovashingifi ovo vomukunda keshe hava uufua kovafita vomaongalo momukunda umue mu ha kale ovashingifi vahapu osheshi osho tashi eta omapiano ongaho.

OMU KOREA

mua totua paime ombili. Oita oja ninga nokuli eedula 3. Omale-nga novaneendunge va kendabala nokuli luhapu ombili ojo ji monike ndele ne alushe oita ja handuka ashike. Paime ja holoka ndele ne kaji fi vaali ombilimbili Ovakuaita aveshe oko ve li vaali ndele otava teeleele ombili ja kola ji shi kulinekelua ji holoke.

OMBILI JOUNJUNI.

Omutohtora omuamerika edina laje Herman oje kua ti: „Ombili jounjuni kaji fi oshinima shovapangeli ashike ile oshinima oshikuanoiniue. Ahoue. Ombili jounjuni ojo oshinima oshikuakriste.“ Omutohtora Herman eshi a uudifile ovanu oku? ti vaali: „Omaongalo nongereka ojo ji nokulitula mo moluodi lua tja ngaha oukriste ua kala naale onge hano u nokualuka moshilonga shaje sho naale. Oukriste u nokukokola omalila mape momufitu ua laula uounjuni ou.

KALUNGA OMUSHITI NOVANU OVANEENDUNGE.

Onaale ovanu eshi va li omalai neendunge davo iadi tana unene, ova diladila omunu shashi ta ningi omunaendunge ita shiva vaali okuitavela Kalunga omushiti. Ova li ve shi omunu ta fatulula ashike numbi ounjuni ou inau shitua ku Kalunga ndele ne ua fa ue lishita uovene ile ua ue lidalifa. Osho ngaha ovanu va hovela okuliteeka Kalunga ngashika jo movambo ovashunimonima vamue have litala ovanaendunge eshi hava kala ngashi ovakaanakonas nakalunga ovatiliane. Omouli ua tja ngaha ovanu vamue hava kala mo jo pomafiku aa. Ndele ne ovanaendunge da shili tava ti ngahelipi pomafiku aa? Omukonakonishitua a tumbula neengono edina laje Muschalek, kua sanga embo mulo mu nomahepaululo ovakonakoni 65. Ovo aveshe tava hepaulula numbi va longua okushiiva Kalunga kashili nOmushiti uounjuni aushe.

AAKATOLIKI HAA HEPEKE.

Colombia, osho oshilongo shi li mu Amerika jokuumbugantu no mu naakatoliki ojendji. Otaku tiua oongerki daakuaevangeligi da hanagulua po shekesheke kaakatoliki di li po ecele limue. Omuevangeli kehe omutihejaali oku noombole e di dengelua kaakatoliki omolu eitaalo ljauo.

Aapangeli joshilongo ojo aakatoliki, onke ano itaa pulake-ne onkugo jaaevangeligi nando.

Venezuela, osho uo oshilongo shaakatoliki mu Amerika, ihe omo aapangeli aakatoliki oja zimine aevangeligi mboka ja tembukile moshilongo ja kale taji idikile egongalo ljopaitaalo ljauo. Ualjeuo shoka tashi holoka, aavalelua mo, onge ja hala mo uo, ihe natu tegelele najo uo taa mono ompito ombuanaua jaa geelue molua uukuuevangeligi uauo.

ECIGACANO.

Aahalici jOmukuetu ja ucilua ecigacano mokutaandelica oshifo osho. Ongoka kua halica iifo ojindji ji vule iifo jaahalici ajehe aakuauo ota peua ondjambinjanjudo oponda jimue nicilinga omulongo. Ano oje ngoka omusindani guotango. Ongoka kua landula muuindji uiifo, ano omutijaali, oje ta peua ondjambinjanjudo oponda jimue. Omutitatu nomutine taa peua kehe ngoka iicilinga omulongo gumue. Omutitano, omutihamano, omutihejaali, omutihetatu, omutimugoji nomutimulongo otaa peua sha isheue ngashi ja landulacana mecigacano ihe tashi ka uucua komeho shoka ta peua.

Omecigacano ndika iifo mbjoka ajike taji jalulua mbjoka taji adika ja futua esiku ljotango lja Juni 1954 manga inali cika.

Kambadaleni, cigacaneni one aahalici. Amuhe tamu kondjo no tamu cigacana moshilonga shika shoopala. Kumagideni aantu miigongi jeni ja tameke okutaamba oshifo shauo. Endeni komagumbo, endeni piijeelo jaantu mu kundacaneni najo mu ja kumagide. Iningileni oshimpuju momukunda gueni muua kale nando omuntu gumue ngoka ina kumagidua okutaamba oshifo shOmukuetu. Iningileni oshimpuju momukunda gueni muua kale nando egumbo limue muljo ihamu leshua Omukuetu.

Ecimbo sho lja cikana omadina gaamboka ja sindana taga tsejicua moshifo shOmukuetu no ngika gojendji mboka je li popepi naasindani.

Omusita David Shijepo okua tuma nokuli omadina gaahalicijOmukuetu megongalo alihe ljokOshigambo. Oje guotango kua endelega. Aasita aakuauo endelegeni mu mu landule. OkOshigambo ku naahalici 16. Ijaloo!

OOMBRIWE.

Matheus Enkono, Walvisbay, ote tu londoda: Tu kotokeleni omuigo guomutondi.

Matti Shifo, Oranjemund, oku nelaka: Opo tu ka cigulute oshilongo sha Kalunga, natu sinde omakamba gonjama jetu.

U. Vaino Iijambo Abenab ota ti: Jesus Kristus ota ti: „Ongame ondjila noshili nomuenjo. Aanelago omboka taa diginine omauvaneko gandje.”

J. D. Nashuaja Johannesburg oku nekundo tali ti: Tu longeni oilonga iua, opo oujelele uoishani jetu uha fiilile koilonga jetu ii.

Paulus Nendongo Oranjemund oku noshimpuju, omolu aamati je li muushimba kaje shi okulesha. Otaja njengua okulesha oohapu da Kalunga doka tadi vulu okukoleka eitaalo ljomuntu.

Sakeus David Oranjemund ote tu tsumukumo ta ti: Tu kuateni komatati, (oohapu da Kalunga) opo tu vule okukondjica omutondadi.

W. Kakenja Windhoek ota ti Omadiladilo getu naga cige po mbika juujuni, tse tu lalakanene Kristus.

Johannes Kateta Grootfontein okua dimbulula ohole onene ja Jesus sho e tu kondjele, na unene sho e li po te tu uilike tse aakriste, omuundjendi uetu.

E. Bully Mariental ota hokolola efjo lombadilila. Mefiku 3 November 1952 omukuetu umue okue tu fja po. Oje okua li ta helula oinima moikoto pamue novakua. Nande va li va lombuelua va dje po ova li kaave udite ko elaka. Hano vakueta vaholike, tumeni ovana veni meefikola, opo va mone mo eendunge, di dule jo oku va kuafa vaaha mone oihuna.

Omukulukadi Elise P. H. Abraham, Endola, ta ti: Omulondi guokakambe oha pameke eemadi daje momapoha, nomukriste keshe e na okudama mu Kristus.

Lukas Amupolo, Okahandja, e noshimpuju shoongiziona pokati ka Halusbu nOndonga. Adihe ando di je moshigunda, omegongalo ljokOkaku. - Omukuetu, oshimpuju shika nashi ninge shoje uo.

Eino Iipinge a shashua mu Bethanie.

Sakaria Mbanda alongo oojakuauo kOmonda.

Thomas Kashungu Usakos, ota ti: Eteni uunajji dameni uuanaua.

Jonas Amujela Omaruru oku uvite olukeno sho tu na iinima jokombanda jevi, tse tuua na Kalunga note tu tsumukumo ta ti: Aamuameme tu kondjeni manga pu necimbo tu mone Kalunga.

J. Ghume Omaruru ota hokolola ta ti: Aamuameme aaholike otandi mu tsejicile Omua guetu nkene e tu ihololele 20 Mei 1952 mOsondaha otundi ontihamano jokomatango. Okuali kua loko omvula ja loko oshipolelela shimue noshitijaali okua zoluadi nolua kuata oojakueta jatatu ja adika mepondoka. Gumue hulica oondjenda de na jaali ja ningi aanamuenjo. Osho ejo ljOmua nani ngele te ja otali ja ngoluadi, Onke omukriste omukueta, tonata.

W. Ashipala Walvisbay ota hokolola nkene uunkolui tau eta oshiponga. Oshilumbu shimue sho sha li sha kolua, uunkolui oue shi vulu oonkondo noue shi hata pevi molutenda, sho kasha li shi shi mpoka shi li. Eshina lje ja nolje mu njanjagula. Omasipa ge ga toolua limue mpaka na limue mpejaka. Omukueta, ngele to si eso nga ndino oto ji mo tuu moshilongo shomegulu?

E. Dengeinge Windhoek ota ti: Ofje atushe ovafjona, ndele ne nge nge tu li mouua oufjona uetu ohatu u dimbua po netilokalunga noudinini ua kana po.

Tesor H. Abraham oku nekundo: Ounjuni otatu hulu po ndele fimbo inaa hula po otapu holoka ovapukifi.

Shipiki M. Gotfried Tsumeb oku neindilo: Onda hala mu kale noku tu galikanena otse mbaka aankundi koomuenjo. Omua e tu pe Ombepo je, opo tu uape okuenda nondjila juujelele tse tu ekelehi ajihe juujuni.

Silvanus Kristof Tsumeb ota ti: Omacimbo oge na elunduluko li ili no li ili, osho uo Omua ta tegelele elunduluko ljetu.

Weijo Sakarias Windhoek oku nelaka tali ti: Tu matukeni nokutalelela Kristus note tu kumagida tu ididimikile eputudo lja Kalunga.

Miliam Moshamba Oshikuiju ote tu dimbuluca ta ti: Otse aanangunga jombinzi jOmukulili.

Gideon Sakeus Omaruru ota ti: Onda hala okutonatela oondjenda dandje note tu tsu omukumo tu igandje mOmua e tu longe okutseja omacimbo getu. Jona David Omaruru ote tu kumagida ta ti: Oojakueta, tu kondjeni shili nokudiginina eitaalo ljetu.

M. Shiljomuntu Oranjemund oku nelaka: Omua ota popica ooitaali je jaa kale ja muena.

J. Shatipamba Oranjemund ote tu kumagida tu kaleni tua tonata, tuua puile momamakelo.

Pinehas Eliaser Indongo Windhoek ota hokolola nkene ilonga jomondaha ji na oshiponga. Esiku limue koshinambelo shoodila, odila jimue ja li ja danene mombanda na omuendici guajo okua li a kolua. Omaoli oga pu mo manga ja li mokule noja gumo, taji digomoka sigo ji ihata pevi, naalumentu jaali ja mono oshiponga. Omukueta, tila esiku ljosondaha, oshoka oljo esiku lja japulua ku Kalunga, muene.

W. Talamondjila Kakenja Walvisbay okua dimbulula nkene uukriste oojendji u li po pokati, itau monika naua, note tu lombuele tuua kale ue ngashika elimalima.

Omulongi

nuudigu tua mono oonkondo oompe. Sho tua zi megalikano, nando olumue inatu za mo inatu kundua kOmua. Ano oshimpuju shomomagumbo sho sha muena, onda kala ndi na oshimpuju shiigongi jaakuluntu, nando mongundu mua fa mua holoka kashona uutondue. Ano ajihe mbjoka ja kala oshimpuju shandje omomukunda ngujaka nda li mugo. Ihe egongalo nenge omukunda ngujaka sho gva gama kegongalo ljaakuanjama, otua lunduluka tua ji nenge tua gama kegongalo lja Nakajale pongulu, opo nda peua oskola. Sho inandi mona egumbo popepi nongulu, egumbo sho lja kala kokule itandi monc ompito okuenda egumbo negumbo, Oshimpuju shandje nde shi tula muunona mboka nda longo. Ihe sho tu naakatolika mokati ketu, oluindji ja jono ehijo ljetu. Ihe nando ongauo tua diginine okuhija unene uunona mboka tau kala komalundu nkoka ku naakuauo. Oluindji uunona ua eta elaka, nkene ua shekua no ua popia naji. Nando ngauo inatu muena tua kondjo, no tatu kondjo sigo sigo.

Isak Shankala.

Abraham Shetekela Windhoek oku nelaka: Omua, ngenge ondi li mondjila jekaneno kufe nge mo ndelene encifilenge mondjila jomuenjo.

Silvanus Amunjela Oranjemund oku nenjanju molu elaka ndika: „Elago nesi ohenda tali landula ndje omasiku gandje agehe.”

Samuele Moses Ariamsvei ote tu kumaida ta ti: „Ovakueta tu li pamekeni meitavelo.”

Akisel Shilongo Luderitz ota ti: „Tu kondjeni shili okuja mo.”

Paulus Mueta ko Walvisbay okua dimbulula shoka ta vulu okusinda uulunde, kutja osho eitaalo.

Johannes Neumbo Tsumeb ote tu popifa ngaha: Tate Kalunga ota telele muje mu holoke oimati jelidilululo.

J. Icete Onguediva okua mona aagundjuka ojedndji ja njengua okugalikana. Onke ta ti: „Penduka ngoje nguka to koca ngu jumuke kuusi, Kristus no te ku minikile.” Ef. 5: 14.

Matheus Andreas Oranjemund ota hambelele Kalunga nguka omuhupici miimpuiju juujuni.

N. H. Silas Windhoek oku nekundo: „Inatu tseja ecimbo Omua te ja.”

Jakob Matheus Oranjemund ta ti ngeji: „Ohole ja tate Kalunga onene shili oku tu hola, unene otseni aagundjuka. Onkene tu gandjeni oomuenjo detu niimpuiju jetu nomadiladilo getu nomahalo agehe getu ku Kalunga, opo e tu shitulule.”

Simeon Natanael Tsumeb ote tu tsumukumo tu diginine shili shoka tue shi peua ku Kalunga, osho oomuenjo detu, di kale da jela shili

J. Justus Tsumeb ote tu londoda ta ti ngeji: „Uujuni uongashingeji oua kulupa. Ouou tja kondongolondongo, onke kambadala u kale u na eitaalo.”

Timoteus Kamati Tsumeb oku nepulo: „Olje ngo ua hokua po; uukuume uujuni nenge oJesus?”

D. Ananias Windhoek ota popi eliko ta ti: „Ngoka a ningi kuume keliko, oljo otali mu fala sigo omuule mekano.”

Tomas Nalupe Oranjemund ote tu londoda ngeji. Ecimbo oljo efupi, nomupanguli oku li po a cikama posheelo.

Arkelaus Jakob Grootfontein okua dimbulula nkene uudiginini uoohapu da Kalunga tau etele omuntu ejambeke ljashili.

M. S. Gottfried, Tsumeb te tu dimbuluca, Omua nkene ote ja mbala. Natu kaleni tui ilongekida shili.

Wilbard Sebulon, Tsumeb oku nekundo: Hakutja nde shi ada ando nenge nda guana, aue, otandi shi matukile, ndi shi ade, oshoka ngame nda adika ku Kristus Jesus. Fil. 3: 12

Kristof M. Tsumeb te tu dimbuluca Omua ote ja esiku inatu mu tegelele, ongashika omufuci te ende uusiku.

Simon Andreas Outjo a hala oku tu dimbuluca, nkene oohapu da Kalunga tadi tu lombuele tu nokugalikanena aapangeli jetu noku ja gandja miikaha jomupangeli omunene.

Kornelius Jakob Gobabis naje uo okua kuatua kediladilo, nkene ejo ljOmua oli li popepi, naje te tu kumagida tu ilongekide, osesi efiku linja tali uja ngomuigo kombada jovanu avese.

NOVEMBER.

Ehol. 5:9-14. Luk. 6:20-26. 5 Mos. 34:1-6.

- 1 S. Esiku ljaajapuki.
- 2 M. Mat. 7:1-5. Heb. 11:13-31.
- 3 D. Luk. 17:1-4. Heb. 11:32-40.
- 4 W. Mat. 6:9-15. Heb. 12:1-11.
- 5 Do. 1 Joh. 3:18-22. Heb. 12:12-17.
- 6 V. 1 Kor. 5:9-10. Heb. 12:18-29.
- 7 Sa. 2 Petr. 3:13-18. Heb. 13:1-6. Job. 14:1-5.

Rcm. 13:1-7. Mat. 17:24-27. Eps. 85:9-14.

- 8 S. Os. 23 ja landula Uukuatatu.
- 9 M. Mat. 24:1-8. Heb. 13:15-25
- 10 D. Mat. 24:9-14. Luk. 11:1-13.
- 11 W. Mat. 24:29-35. Luk. 11:14-28.
- 12 Do. Mat. 24:36-42. Luk. 11:29-36.
- 13 V. 2 Tess. 2:1-12. Luk. 11:37-54.
- 14 Sa. Mat. 24:43-51. Luk. 11:1-12. Eps. 126.

2 Kor. 5:1-10. Luk. 20:27-40. Eps. 39:9-14.

- 15 S. Os. 24 ja landula Uukuatatu.
- 16 M. Dan. 5:1-30. Luk. 12:22-34.
- 17 D. Heb. 10:26-31. Luk. 12:35-40.
- 18 W. Joel. 2:12-17. Luk. 12:41-48.
- 19 Do. Hes. 14:12-23. Luk. 12:49-53.
- 20 V. Ehol. 2:1-5,7. Luk. 12:54-59.
- 21 Sa. 1 Petr. 4:1-7. Eps. 90:1-6. Jes. 35:3-10.

Ehol. 20:11-15. Mat. 13:47-50. Dan. 12:1-4.

- 22 S. Os. jepangulo
- 23 M. 1 Tess. 5:1-11. Rom. 8:1-11.
- 24 D. Heb. 12:12-17. Rom. 8:12-17.
- 25 W. Mark. 13:33-37. Rom. 8:18-23.
- 26 Do. Mat. 25:14-30. Rom. 8:24-27.
- 27 V. Heb. 10:32-39. Rom. 8:28-30.
- 28 Sa. Heb. 12:22-29. Rom. 8:31-39. Jer. 31:31-34.

Rom. 13:11-14. Mat. 21:1-9. Eps. 100.

- 29 S. Os. 1 jomu Advent.
- 30 M. 2 Kor. 1:15-22. Jes. 60:4-11.